

彛

壽

軒

詩

鈔

彞壽軒詩鈔卷二

錢唐 張應昌 仲甫

丙申

越山古梅歌

正月十六日
倍陸子乘遊

越山山下萬重雪，雪徑幽尋到山窟。四山盤紆抱一寺，寺前老梅尤奇絕。溝塍棱棱花童童，土氣千年厚蟠結。其中古樹數十株，兀傲空山忘歲月。旋天踞地恣查牙，根如車輪幹如鐵。老苔裂作虬鱗飛，迸露膚肌赤於血。穿林越澗觀不足，各各意態雄且傑。隨花攜酒坐花間，人意花情共蓬勃。一株古松拳籠鍾，一株怪石立突兀。一株老龍蟠空霄，一株巨靈劈雙闕。其餘縱橫盡奇妙，萬玉飛騰暗香發。此樹閱歷幾滄桑，直從炎紹溯吳越。山河南渡久銷沈，冷月黃昏芳不歇。千歲

松鶴千歲仙自古得天在巖穴我來花下醉歌狂遐舉欲與
塵埃別歸舟一夢醒羅浮已覺此身有仙骨

自趙山看梅至西溪借陸圓柳丈清照錢小謝延熈秋

峴廷薰章次白黼羅秋士文鑑夏松如之盛王安伯泰

游靈竺交蘆二庵正月十八日

趙山梅萬樹隨棹入西溪水曲雪枝互竹深花影迷野橋頻
覓路僧院續題藤庵有遊客題名卷子去秋曾來題今又續之護惜春條小來年

植更攜西溪新補梅二百株

竹墩至桑林道中

曲曲清溪百道彎沿溪桑樹綠迴環白波一徑雲深處當面
濃青見好山

春蠶初出白緜繖處處人家挂葦簾都道鄉農連歲苦温和

天要應嘉占

舟行枕上口號

畫圖看一路永夜尙徘徊篷底頻窺月燈前獨舉杯
榜搖催夢去犬吠報村來不盡煙波意扁舟未忍回

朱彥甫俊招同陸子乘

翔藻

游鳳凰山諸名勝暮至慈

雲嶺得詩十六首

梵天寺經幢

路循勝果南古寺竦山麓寺門湧雙幢仰觀字可讀欲拜三
銅容舊蹟久陵谷惟此巋然存瑤闕烟外矗幢爲錢武肅王
穆忠獻三王銅容供寺寺甚
大至建炎後僅存小寺雙幢

靈鰓井

循牆探古豨俯瞰圍二丈其深不可測心空魂意盪老鱗安

在哉塔珍已失仰終是蛟龍窩靈之來兮儻梵天寺吳越時
釋迦舍利塔貞明二年迎明州阿育王寺舍利至禁中建塔
城南臨安志云四明阿育王山有靈巖護塔神也後迎舍利
歸國巖遂不見錢氏乃於寺南鑿井而巖現井中

勝果寺

中峰路盤迴破寺曾再到於今美輪奐重來人非少鳳麓舊
舍留支公往迹弔獨有天桃花滿巖向我笑鳳麓精舍額爲
儀徵阮相國題

放光巖

寺右拾級上攀蘿登平岡聞道巖間石昔年曾放光到此目
已潤越山羅低昂山外金稜稜隔岸菜花黃

郭公泉

逕出峭壁下有泉殊無覩山僧笑舉指一窪壁間吐僧名爲

泉名明秀可奪古一掬洗我眼聊豁濁心腑

宋郭文舉所鑿明僧明秀愛其

寒潔謂造物許我斟酌而莫禁也更名許僧泉余視壁間刻泉爲明秀名五字疑卽明公所鑄是以明秀之名名泉矣

垂雲巖

西陟翠雲巖青蓮千百朶雲垂多翻蹻雲躍更駮駮排空三

霄飛駭影一片墮蒼然五情起人意亦磊砢

巖間翠石千朶垂垂欲下當徑

特峭鑄躍雲一字更奇俊

通明洞

洞屋敞巖際翼然軒堂空屋頂穿徑罅日月雙丸通倚石眺

大江戶牖皆玲瓏泠泠披塵襟四壁來清風

石門

雙厓交幽逕天然石門峙入此門者誰清風明月耳我來愧

梯天趙趙戶外趾赤松如可求塵世真敝屣

壁鐫石仙寓三字壁上石級曰

上天梯以
難登而止

歸雲洞

遂洞如永巷結構方且直因石以爲屋風雨足蔽匿昔日自
在僧支鉢此休息惟彼歸山雲伴宿此僧側

月巖

磴轉一峰立世界生光明峰頂有竅妙月印中秋瑩觀竅窈
危步待月無閒情更約中秋來坐覽江天清

御教場

振衣千仞巔卅畝平原曠西湖如池漚左海無岫障山川四
顧盡吳越一覽壯俯視江邨園丹青不能狀

志載山頂四平
長廣三十餘畝

又謂之
四顧坪

排衙石

山爲來儀鳳石作立仗馬瑞運徵南朝神皋炳中夏殿司麾
六軍壯容旗鏗下司隸舊威儀一片翠能寫宋時教場前有殿前司衙宿衛

軍屯駐之所也高孝光

三朝皆嘗御按於此

慈雲嶺

嶺右鳳山陰萬石青巘旣其右龍山峰松竹蒼翠攢中束江
泉路飛帆排雲竦返照夕陽來離離成奇觀

石佛寺

禪廬結嶺下軒窗面平疇蔽屏山鳥起挂壁煙蘿幽古龕佛
身泐妙篆碑額遺惜哉記文亡俗手傷磨鏤吳越時有石像記碑額云新建

鎮國贊延遜齡石像之記後爲俗僧磨削碑文改鐫佛牙贊甚鄙惡今碑額又脫遺齡二字

漚疇田

中田層阜圓有宋郊邱址田校園鱗鱗八卦九疇似芳野絢

穠春黃綠錯繡綺五色羲皇圖點染山河裏

天龍寺

香刹龍山麓寺門瞻舊題

天龍寺額
趙文敏書

浮殿花雨重滿樓松風

淒欲登古王臺落暉已沉西訪古興未已相期重攀躋

游靈隱和章次白韻二首

登韜光暮至借秋閣觀龍泓老人詩稿卷子

洗眼高臺雲水光何須重覓葛仙方春潮一綫連天溼修竹
千竿過雨蒼山逕泉流長汨汨海門烟樹但茫茫禪房遺墨
懷前哲詩卷推敲字百行

憩坐冷泉亭

濃青倒影聚嵐光幽朗澄寒水一方慧理禪岩蘿逕曲韓王
題碣蘚痕蒼臨風坐月心閒寂飛鸞呼猿跡渺茫最愛溝聲

清聽滿春涼亭下瀑成行

今春縱游屢登山嶺傷足杜門賦此自解

弱羽笑搶榆么蟲驚撼樹羸羊嗟觸藩駑馬恥先路人苦不知量有失乃警悟我本逴脆姿謬學邯鄲步九仞恣登躋一蹶成牴牾踈蹕就繫駒吟屐翹踵鷺戶庭趾腓良几榻樊檻銅雖無窺園樂彌得擁書趣半牀俱披吟一編警闕誤避喧絕車馬棲心託蒙素始知汗漫游不如溫晉故閉門有真媿裏足無廣鶩可解塞翁憂何須弋人慕

見山樓歌

錢六秋峴於湖墅西峴闢園課耕面葛嶺築樓曰見山爲賦長歌

秋峴翁得西峴園見山樓見湖上山此固人力亦天授十畝

桑者非等閒昔聞陳曲逆窮巷負郭少圃場又聞杜拾遺築

居無地心旁皇

杜詩築居仙縹緲注言卜居無地如求仙然

有田不歸如江水坡

公恨不謀稻梁田園將蕪胡不歸淵明歸去徑已荒從來樂

土天所吝負耒豈易談空桑君抱韋編修綆汲慧業旁通汜

氏術買山樹穀學老農婢織奴耕家自給前闢蔬畦後果園

左築高阜右平隰陂塘籬落雜村閭煙雨斜陽聚叢笠其間

西南營樓居北山朝爽窗前驅烟嵐直接西谿路遠青澗染

田家圖巍然一枝書空筆越王勝蹟標浮屠此筆千載來入

夢宜吾子孫當吾廬

君錢王後裔

主人又工相宅法架岩斲壑恣

嬉娛樓前壘山名小峴繚以叢竹參修梧峴翁高卧山亭上

好風來與羲皇俱野老閒過課晴雨良朋雅集傾觴壺座上

敲詩限銅鉢花間校射鳴雕弧朝暮歡樂意自得沮溺丈人

真吾徒只恐山中懷遠志玉韞珠輝難自秘吹去長安十幅
蒲輦紅便騁東華騎翁將樹峴山碑裘帶勛名誇意氣回
首桃源舊犬難菟裘更作他年計我有一言君諾不熊魚取
舍善爲謀寧使貧賤守田疇毋役軒冕懷百憂况有二頃供
糲糶棗栗千樹芋千頭安榮可等千戶侯富貴神仙孰與儔
白天錫此逍遙遊瑣瑣人爵安足求

同人集見山樓卽席分集詩牌秋峴得句曰禾黍擁窗
裏余因補成之

結廬在市隅去市如十里登樓渺四顧禾黍擁窗裏豆絲菜
花黃春暄交繡綺竹外更臨妍天桃雜穠李玉壺飲茅屋滿
坐皆佳士傾觴醉煙景酣與摩詩壘百衲琴難和一鼓旗已
靡妙手得天就奇句足自喜拊掌共軒渠斜日忽西徙薄暮

各歸去城闌燈火起

病足不得踐彥甫續遊南山之約彥甫松如示紀遊詩

次其五律一首韻奉答

好山難續至春事掩關過不得層雲踏猶堪一室歌補詩債
友債因病守書窩吾有卧游樂比君還若何

翁西邨所蓄古陶器歌

世間好物難堅牢搏埴尤易爲冰消邢工越器今已罕一琰
重於雙瓊瑤西村老人精集古駢羅几笥家珍數盤螭躍魚
騰罇壘戩金鏤銀縵壺甌官哥定汝製各別永宜嘉隆更殊
絕紅如琢玉白截肪揆翠融青光瑩徹先生雪耄如神仙性
貌與古相周旋濟人自著桐君錄愛客常賦金罍篇琥珀夜
光驚四座酒政茶經足清課三杯七椀清風生泠泠珠玉霏

咳唾我與先生見恨遲猶喜入室披蘭芝洗眼快從雲水過
擎掌愛如珪璋持一生精神屐幾緡名山之藏千金享我入
寶山意同皇如聽簫韶三月想

哭汪小米

玉潔淵澄重品裁素心幽契共岑苔清如陶孟真能隱學擅

崔劉不使才詩虎爭思摩將壘酒龍亦讓築糟臺如何吳子

李酒齋張簡松窗後又天龔生更可哀去年蕙窗歿君駭聯有吳公死李公死張公死

那堪君又赴修交之句

衡泌棲遲共嘯歌羨君水榭借閒多烟霞裏遊都慣觴詠

樓頭客屢過白傅隄應繫魂魄黃公壚忽邈山河悽心隔月

聽泉處一別三生感逝波前月與君宿靈隱偶憩瀑來亭共話君指亭下泉曰逝者如斯不意

遂成語識

翁西村以會稽女子題新嘉驛壁詩卷屬題和原韻

會稽

女子事載徐虹亭本事詩及戴碧川魚計莊雜綴僅錄

和詞題句而不詳始自何人讀卷中江璞託文始知錄

自壁問者江氏也卷中陳小蓮補圖昔藏虹涇戴氏戴

松門備錄題詞之見於諸書者入卷內今藏慈谿翁氏

如花風雨忍成塵黛慘紅愁落溷身留得數行腸斷句文姬

哀豔自干春

楓青塞黑夜魂游古驛淒涼此恨悠不是江郎傳彩筆愁他

鷓爪滅牆頭

和墨邨亭賸者誰楓江紀事有深悲千行盡在新詩卷多少

詞人恨泪垂

六和塔次松如韻二首

捍患迴流要偉才登高忽動仲宣哀雄蟠列嶂羣龍伏怒勒

奔濤萬馬來調象諸天靈刹鎮飛鷲大海估帆開漲岬形改

隄防急清淺蓬萊闕幾回

不必題名謝俊才也休感慨係歡哀七層寶網壑初地九轉
靈梯證未來照徹重溟燈焰朗印成圓相月輪開眼前空寂
微塵念東去狂瀾又折回

晚秋西溪道中

出郭溪山彩翠中霜天晴靄好春同一灣流水秋痕淨萬綠
深篁日氣空楓葉初紅新潑眼蘆花半白亂搖風繞村喜聽
豚蹄祝今歲籌車處處豐

九月既望亞伯招集吳山延慶道院用樊榭冬日集延
慶道院韻

節過登高興未稀丹房晴旭破晞微滿山霜葉爭春色入檻
湖嵐罨夕霏靜境動生碁玩局舊痕新疊酒沾衣輸他蘇李

心兵競錦句花箋四座飛

秋九彥甫次白松如高小垞

學沅

方雲泉

隲

集南屏看

紅葉道逢戴醇士

隲

一話余以病未借遊雲泉以團扇

屬醇士繪之錄諸君用樊榭韻詩於上索和

懶隨幽屐到鷗汀畫裏詩邊也似經好句新於秋色翠仙毫
點出佛頭青客逢山逕曾閒話鰲背霜厓想倒聽不怕歲華
彫換速長留煙景在銀屏

魏大滋伯

謙升

新構落成以蘇集中西齋名之卽用坡

公原韻賦詩錄示率和

吾廬有東軒低屋連書牀坐井雙眸小環堵十笏長山水不
得見詩酒亦難狂四座苦促膝何由敘暄涼叢桂不留人中
庭空抱香往往樽簋約湖山借清光羨君堂有美烟月恣翱翔

翔天然對圖畫歌吟引喉吭而况西齋名夢蘇詩情生招我
步仙關瞻眺心旁皇

仲冬杪借滋伯雲泉小垞過彥甫睡心室次彥甫韻

曉市衝寒買醉仍蕭閒常得兩三朋殘年人意都無賴欲雪
風威忽有稜十日銷愁排劇飲一編知味共幽燈君看卒歲
無衣者凍骨凌兢自擁冰

丁酉

正月十二日集吳山延慶山房次同人韻

江天浩浩捲東風睡起山容展碧空烟景半湖斜照外雨聲
昨夜小樓中梅窗疎影三分白火樹芳塵一道紅佳日從頭
今又數不愁酒盡怕詩窮

淨慈寺松光上人重葺萬峰山房

小顛
故居

和彥甫韻

顛老高蹤往莫攀一峰依舊翠螺環苔昏敗壁存遺墨花發
空山寫醉顏七代詩能傳慧業數椽屋又啟禪關因緣香火
無今古始羨巢由不買山

花朝日集可園分韻得百字

春色來幾時俄焉二分積嘉辰集疏寮芳陰罽瑤席園有猗
儻華坐皆不速客笑傲忘爾汝酣嬉互晨夕忽見綵幡飄重
悲韶華擲今年花又開去年花已易逝水馳流光枯荻感陳
迹遙憐司花女水濱遭淪謫縹緲瓊玉珞擢顏蓬蒿宅山空
梅影孤夜冷月丸白愴此荃茅化樽酌招靈魄憂來心慨慷
對酒且岸幘興懷山樞篇去日已半百眾芳同一瞬不樂乃
可惜莫令後視今亦猶今視昔可園適其可主人妙義關囊
頭有醇醪珠紅滴琥珀飛觴爭催詩縱談更觀奕園花亦解

頤交影照危碧還約素心人去踏錦香陌

時余聞子婦吳氏之喪

清明後六日朱彥甫招同陸圓泐丈魏滋伯夏松如游

慈雲嶺育王山續去年之句

自慈雲嶺登育王山

勝游不易續再來星已周嶺背捫蘿登江波洗雙眸兩壓翠雲抱千仞蒼松幽依舊錦香陌春風吹東疇

七星缸

維南乃有斗坎潤消離殃騰降天水氣淵涵文明光躡足層岡巔左石襟湖江披雲招七真可以挹酒漿

天真寺

吳越臺

既空祥符寺亦改翠壁披莓苔摩抄石文在靈洞阻

雲迹陰

池眩丹采更上兩層梯舉袖攬東海

吳越郊臺大中祥符間改天真

寺今亦非其舊山頂靈化洞崎嶇不得上洞口武
肅摩厓石刻存左有浴丹池梯屋而上江天曠濶

觀音洞

印識奉華堂寺傳劉娘子才調左姬賢恩寵竇氏侈彈指山

河移過眼臺榭圮抱石一危樓古佛冷如此宋時名褒親崇壽寺俗稱劉娘

子寺高宗爲劉妃父所建功德院也妃掌文字書畫教識用奉華堂印今惟存古洞架屋供佛而已

詠萬峰山房獨秀石次前過萬峰山房韻

萬峰深處峭厓攀片石撐空衆綠環飛岫孤雲來突兀滿巖
香雨擁孱顏幽人太古春無匹明月當年徑不關今日草堂
重架構莫教閒冷一卷山

初夏偕胡琴泉襄周澹巖泰游城東湖鳴寺次澹巖韻

寺外已忘暑出牆高樹青故人題滿壁老衲坐看經翰墨名
藍鎮莊巖古繪靈相期來結夏鐘梵六時聽

原作

周泰

僧寮藏樹色几案落青靑飽飫伊蒲饌閒繙貝葉經劫餘
碑沒字龍去地無靈今古滄桑感潮聲何處聽

過孝慈庵訪青雨上人用佷亭禪師韻奉贈

半畝屋倚城三分水繞屋桑隴槿花籬敲扉老僧獨朱魚躍
清池翠陰交衆木凭闌思濠梁近市儼空谷詩豔灑煙雲高
人靜趣足開徑訪隣老閒閒自勸粟

西溪道中

春深郭西路豆綠菜花黃久雨好晴媚豐年香市忙提壺來
野店編竹聚村孃樓眺羣峰遠重過舊草堂

蔣氏七十二
峰樓在留下

借朱彥甫陸子乘添飲游花鵝巖僧舍十二

深山在路旁行人殊未覺一徑白雲披兩山翠陰束密篠不

知暑清泉可濯足。誅茅谿左右。細路轉九曲。竹裏與松巔。碩
人好適軸。就中最佳處。幽探更俯矚。絕磔萬琅玕。山痕隔濃
綠。高閣巢雲坳。其下喬木蠹。飛珠滿巖竇。冷然叩琴筑。汲水
烹新茶。松風生謾謾。對此塵情蠲。倦懷古。清宿避世來。桃源
瓢笠寤歌獨。緩步度溪橋。足音闕空谷。但有暮歸樵。敲門聞
剝啄。出山意蒼茫。斜陽挂峰角。

借董初臺

所

朱彥甫陸子乘游虎跑寺用蘇詩韻

一徑綠陰草木香。山亭松栝生清涼。林間拂坐意歡喜。山下
出泉聲廣長。洗眼今從白水約。餐茶卽是青霞方。風生雙腋
未心厭。添酌一甌歸去嘗。

法相寺

古寺藏幽壑。樓雲挂綠藤。屋圍千介竹。室有百年僧。月剝豆

禪心徹嘗茶俗慮澄山房清話久更上秀峰層

頽秀塢訪留餘山居故址

我愛鳳山陰秀石千百朵今來南峰麓奇疆秀亦頗幽塢煙
蘿攀隨人現瑤瑳雲立垂翩躚星離布磊柯搏鸞意鸞騰眠
源態帖妥曲折上層臺仙梁降際鎖虹影橫而斜雁齒瘦且
檐下凌三丈谿庠谿永不墮

峰椒有天
然石梁

回頭見西湖身已登

蝶蛾惜哉好樓榭蔓草全傾侈更惜飛泉乾琴音歇碎瓊此
見湖舊有望湖亭已圯有絕頂難再攀腰腳嗟疲我攜筇下
泉滴作琴筑聲今亦涸山若隨意莓苔坐勝友與閒僧修竹並右左循徑返禪扉暮
靄迎淡泊小憩且歸去留餘此意可

同作

錢陸翔藻子乘

探竒入幽阻杖策南山巔盤旋出榛莽俯仰看湖天當年

好臺榭何遼陵谷遷飛泉塞舊脈斷碣埋荒煙叢葆石梁
橫危磴青蘿牽不見野樵蹤惟餘山花然緬懷柴桑裔仙
去不知年

舊爲陶氏莊

八月十七夜舟泊鹽官城聽潮

陡醒篷底夢枕上過師聲悄窺荒驛傍徨撼斗城想連沙
月白坐使客心清壯覽明朝快無眠到曙更

游陳氏安瀾園

名園甲第冠江鄉煙月而今跡太荒三十年前來不早斷垣
衰草冷斜陽

茂林修竹繞崇山曲水清流左右環古意蒼然金粉少風流
王謝想閒閒

一重山盡一重開碧沼蒼巖護紫臺境邃渾忘城郭小松雲

深擁翠華來

絕勝溪山百畝寬
艱辛締構易摧殘
簪纓未絕樓臺改
空谷經綸亦大難

絲竹聲銷觴詠停
凋荷老桂亦零星
潮瀾消長殊今昔
何況東山夢易醒

秋晚放舟游邗上途中得十絕句

楓樹臨平昨夜霜
青山深處放輕航
黑雲一朵藏斜日
對面高峰畫赭黃

一路彎環到禦兒
村村打稻樂豐時
月明撥觴南湖過
聽徧菱鄉水榭詞

宿霧彌漫障曉湖
水程迢遞認模糊
轉帆一陣奔如馬
帶得朝陽已入吳

綺窗低檻水邊樓畫舫明燈水上舟休道吳兒心木石聞歌
過客也魂柔

蓬底深宵羯鼓喧驚殘旅夢雨聲繁朝來回首青山失雲滿
九龍巖下村

順風過了逆風過得意篙師失意多繫纜延陵城下住故人
惆悵邈山河

地走江聲起怒潮戰風蘆荻響蕭蕭銷寒猶有奔牛酒詩卷
閒攤杯自澆

十尺危隄九折河隔隄檣影轉如梭鷓聲細雜車聲過水市
高如山市羅

新豐市鬧賣豨縱鐵裹城嚴足稻種淮女江童秋興好黃花
滿插鬢如蓬

細雨斜風泊潤州雲飛千里暗津樓閒登層阜闕天塹蕭瑟
江關動暮愁

過構李訪家叔未丈

延濟

於新篁里

南湖轉櫂入東溪溪徑深深綠滿隄菱界一繩隨港曲桑陰
萬幄與雲齊琴聲篁韻尋高士蟹舍漁莊悅隱棲蕭瑟扁舟
來訪戴幾番覓路畫中迷

登潤州江口銀山頂是日渡揚子江

機杼大江頭振衣層岡頂白石磴彎環銀山寺麟炳一覽青
山多豈止三峰並瓔圍抱一城炊煙聚萬井黯黹垂雲陰金
碧閃日影照見煙霧中南焦樓觀迴睇後山程紆瞻前江路
耿沙戶如沙蟲浮檣宛浮梗天風吹琅琅瓊宇高隱隱待梯
北固霞宏覽南徐境篙師戒晨征澄波練已靜一葦鏡中杭

迴頭黛螺靚

臘中放舟若上由南潯新城至橋李又紆道篁里自峽
石長安而歸途中復成十絕句

澹月嚴霜放客船鐵衾擁臥古城邊閒聽夜半寒砧急鷺立
磯頭猶未眠

際曉推蓬舞雪絲將飛還止故遲遲清溪多少寒林木寫出
煙雲畫本奇

滿天風雨出菰城夜色熹微湖水明濤吼欲行行不得徹宵
愁聽打篷聲

重過南潯十二年枯蘆衰鬢兩蕭然如逢舊友嘗佳醞雲水
鳧鷗且醉眠

烏鳥風捲狂於虎跼跼舟飄縮似鷗一夜驚心軍十萬飛蓬

始覺此身浮

曲折茗溪至秀溪雲連桑樹滿河隄南潯市與新城市比戶
絲麻足隱棲

新城兒女似花枝秋水爲眸雪作肌震澤秀溪雙道水吐靈
不讓芴蘿施

連宵月暈太風狂破浪輕帆過漢塘臨水村居精屋舍新豐
桑柘接新篁

夜寒風定落霜濃曉起村容幻玉容最憶昨宵霜裏月板橋
茅店寄行蹤

暄日篷窗破峭寒歸程游興未曾闌殘年急景催鄉思咫尺
東瀛放眼難

篁里距乍浦海
橋止三十里

篁里重訪家叔丈疊前韻

一帆風利出雙溪春耳濤聲浪拍隄風景舊游三月換煙痕

枯樹萬條齊滿天霜雪山陰棹臨水蒹葭谷口棲祕閣清儀

樽酒再竇山引我夢魂迷翁齋名清儀閣度

裏湖觀打魚

錢秋帆董濬湖事以養魚去草法沿西湖春種魚於裏湖冬初采之

聖湖之水清且靈嘉魚鱉鱉嬉春溟千頃老葑足灑潄頌首

莘尾充其形養魚滿湖得三善酒人食鮮漁人贏毆魚去草

利更大不煩人力全湖清何爲古今治湖者徒事鎌鍬勞溪

丁錢子妙想溥美利蒼雲席卷湖光平淪漣秋水盪澄綠有

鮑有蝕烝然盈

鮑鱗也蝕鮑也止蓄此二種以其食草

經歲秧苗動鱗甲漁童

釣叟騰歡聲非特美利兼勝事觀漁載酒生豪情霜天鏡浪

大隄曉瓜皮艇子如繩橫鈎連環合成一隊網撒四面圍長

營大魚垂頭小魚走仁者疎網無傷生

秋晚別製大服網止取大魚而縱小魚亦

毋聲毋形須臾網捉更鬪夾銀花雪片跳晶瑩曲岸移船更
之意也
屬目瞥眼飛鱸金盤呈四座不辭深杯百主人富有醒酒鯖
一飽回看日已暮六橋橫靄煙波明沙頭漁師賣魚去亥市
論斗喧江城蒼茫人散黃昏後猶有幽火沈寒星

戊戌

二月茗溪道中

斷霞天際盡暝色入林扉遠樹疑人立空江有鷺飛帆輕風
力重水闊岸痕微燈火前村近蒼茫客棹依
兩點深宵過山容際曉青扁舟春水送熟語故鄉聽清淺碧
湖浪荒涼峴阜亭元真蓑笠慣滑屐幾番經

春暮泛舟至普甯寺觀古本牡丹二株花有千餘朵
村郭春歸興未闌尋春又到古祇洎小橋流水輕航去國色

天香破寺看幾百年花長富貴兩三間屋不荒寒漢宮粉黛
都相讓出塞蛾眉莫怨歎

蕭齋

懶逐塵囂役苦辛閉門詩酒樂吾真鄰家高樹照新綠庭院
雜花嬌晚春堆案好書皆勝友攜鋤小僕亦閒人蕭齋清夢
心何繫風雨江鄉已累旬

題山舟學士詩草卷子用卷中題丁隱君詩草韻

余集公詩

草八十首中有未刻作二十七首此篇
與焉典所題藏借秋閣丁冊句韻稍異

學士書名掩詩歌詩卷長留同不磨往往雲箋寫霞句詩墨
二妙霏麝螺此橐叢殘棄篋子淡抹濃塗雜丹紫大筆久懸
天地間故楮荒齋塵積咫信手煙雲皆異珍貽我珠船天水
君補以伯孫遺篋近百首裴成三丈橫卷濃香熏古來案書

與此鼎峙者玉局詩草平原文卷中題丁稿句更堪喜滿七
篇耳讚歎掀髯髭何況妙墨一萬字有奇珠有遺網金
無疵弟子清河藏稿成豫兆因緣付囑乃在三十年前時先

題丁隱君詩草云誰其藏者門弟子幅幅
清河印泥紫爲吾宗海鹽文魚微土作也

和作和篇不能備錄但錄此

錢唐女史梁德繩楚生

讀書萬卷恣高歌詩老光燄長不磨况公書法更殊絕雲

煙落紙輝墨螺錢唐好古有張子皮石藏金氣騰紫搜羅

一卷舊詩編腕底蛟龍生尺咫聯翩錯落百衲珍當年寫

禿中書君和南再拜謹展視願將百斛濃香熏塗改有如

坐位帖點竄略似蘭亭文吾聞謝安碎金流落在人世如

珠珍重探羊髭後來道韞亦善守家學而此散佚豈非因

數奇公之品節過太傅鄉國矜式瑜無疵我慚道韞詠絮

筆把卷忽憶華藏室裏書

卷中有題華藏室團扇句華藏室余家齋名也

昔人下筆爲詩歌苦吟負手精研磨不知一字幾塗乙墨
池飛灑五斛螺如虹氣已吞餘子起草先騰劍光紫零縑
斷素留人間愛重裝成逾尺咫吁嗟此卷連城珍憶我伯
父頻羅君淋漓賸稿墨猶濕但得片紙我欲心香熏何況
長篇巨製纍纍數十幅皆可傳之百世垂高文誰歟守者
任零落負公當日嘔心琢句拈霜髭豈真自古文字皆數
奇張侯寶此緝飾無纖疵晴窗借讀我意重結轡恍見得
意染翰高吟時

閏四月六日借江都盧蔡生

棟

游湖上口占十絕句

一峰突兀倚闌闌左拍秦亭右挹湖涼雨欲來炎日匿西山

特現曉雲圖

保稷山

烏石嶽音疊畫屏峰窠活眼自瓏璣一珠能走不能墜

於天是落星

壽星石鏞
走珠二字

高閣幽躋奧曠兼舊題勝概筆精巖老僧追話昇平專鳳舞

龍飛屢就瞻

保俶寺
書湖山勝概榜絕佳

有宋張榜寮

寶稷巖坳萬綠稠綠陰深擁竹間樓栢幽何必山深處玉局

當年此駐騶

十三間樓
郡日嘗判事於此

蘇公治

斧劈雲根似積薪彎環磴道障嶙峋丹黃厓壁如龕屋來作

谿禪趺坐人

葛嶺

古井祠旁靜不瀾尋倦躡屐寶雲端臺傾路絕仙人杳難覿

初陽况鍊丹

寶雲院
陽臺已不可登

上有初

宵雨聽泉到鷺峰泉聲挾雨瀉淙淙綠叢兩度綠陰裏翻喜

片雲頭上濃

飛來峰

兩番猛雨避祠宮
南北英靈峙岱嵩
千古西湖崇正氣
天教遊客拜雙忠

岳于二忠祠

重訪南峰古刹幽
蕭蕭竹閣坐生秋
老僧身歷百年外
行地

如仙纔白頭

法相寺

僧月暉百一歲
尚能行三里髮白未久

過雨雷峰夕照鋪
山明水翠稿難摹
朝登北塔暮南塔
看遍

雨晴行遍湖

雷峰

閏四月十日偕盧葵生陸圓溯文登雲居山至吳山第

一峰暮步月歸

今春雨三月山游屢
蹉跎首夏驟炎熱
火繖其奈何夏閏轉
平甍風日娛清和
客從遠方來欣然三
徑過尋山興不淺
芒屨偕軟鞵未遑陟
崇峻且躋南城阿
好友得儔侶幽徑捫
藤蘿便遠紅塵囂
忽見青山多鳳山
對屏幃雉堞隨陂
陀曠哉

七寶巖雷峰如庭柯古寺惜頽敝危樓俯清波

雲居寺有水明樓臨南屏

景絕勝而將坻振衣吳山頂翠石森嵯峨飛翰

平

挂蓬島傑閣凌龍

窩文星閣前有泉一泓題曰龍宮又有石窟題蓬島二字石如鳥羽垂兩側仙槎在何許相望

平

隔銀河山上有石船不得其路游馬亦騰跳引人踏芳莎凸峰雲布葉

凹寶泉盈科攀磴上坎石東海青銅磨江湖拾左右歐越排

煙螺四面星野接萬戶垣蔓羅豈獨遊客駭我亦舞婆娑天

風吹泠泠忘在城市窠薄暮下山去那顧石徑頗返視煙靄

合雲海一氣摩人影忽在地舉頭見姮娥踏月入蒼翠燈火

聞笙歌天街歸緩緩不醉須顏酡

雲居寺次壁間韻

名藍絕勝欲重登宗法淪胥憶老能

寺爲宋佛印元中峰師駐錫所頽殿半

間藏壞佛古碑五尺挂荒藤拈花擊鉢匡廬社

國初詩老與雲巢上人結

社於烹鵝鋤蘭粥飯僧壁間名墨可惜水明樓尙在看他過

眼滅風燈

撻雲樓和壁間同人韻

樓在朱彥甫長豐山館

城闌車馬捲香塵爭向名園載酒頻粉壁明招游棹遠綠陰
濃單畫樓新笙歌夢到花間部羅綺吹來座上春商略餘年
行樂事休教魚鳥笑勞人

結廬近郭遠囂塵不厭尋詩訪李頻幽夢水湄葭外朗舊時
月色笛邊新撻雲看畫無重稿賞雨傾壺也過春能起樓臺
供煙水五湖須讓寓陶人固有淵庵有舊時月色閣

仲冬二十四日偕妹茸丹徒鄭三

循泰

至湖上登寶稷

山遂至靈隱登北高峰暮宿韜光次日遇雪

出郭已亭午白日籠嚴霜凌風陟北阜忽舒陳足僵舉頭古

塔巨勢落千丈強，低頭銀河明鱗鱗。破寒塘，放眼南山南江。
海懸晶光呼車興，未已路繞雙隄長。水濱憩仙祠，彼姝驚鴻。
翔岩堯望靈鷲，期登千仞岡。窈窕入洞口，山靜如古皇。旣匿
猿鳥迹，亦無車馬忙。冬山不寂寞，泉樹交清蒼。空亭罨澄碧，
香徑盤修篁。循徑拾煙磴，滴翠沾衣裳。松蘿冷雲宿，蒼蘆空
林香。數來意未饜，直上凌蒼茫。屈曲幾千級，短筇扶踉蹌。俯
視盤鵲低，身與浮雲曠。葛嶺直培塿，塔尖如針芒。振衣登絕
頂，古殿周短牆。老僧驚客至，茶話遲斜陽。六飛去已遠，大觀
臺址荒。登臺覽眾峰，兒孫羅成行。東南瀛滙闊，湖水斟杯觴。
西北巖壑疊，鳥道綿餘杭。急景促歸路，去心傍徑愛客巢。
杓僧留宿，羅酒漿重讀。東笥卷擱筆，驚琳琅山樓。翦燭話千
里，歡連牀相約。共蚤起觀日升，扶桑夜半臥縮頸。射眼明珠。

窗開窗看寒月滿山飛雪颺天工善變幻意外奇興狂侵晨
眺寺閣萬綠都潛藏近山如遠靄潑墨紙半張江湖皆匿失
化人白雲鄉莫是龍象力顯現光明王踏玉下山去鐘聲沉
下方萬竹拜婆娑百泉鳴琤琮變相飛來降蓬島瓊瑤妝仙
人真面目大地生清涼銀海眩不已那能抽詩腸輟吟且歸
去六橋村酌嘗

小除日彥甫招集臥瀾樓餞歲

別歲強爲歡爲歡悲愈萃所悲其云何豈惟流光逝憶昔少
壯日撫時情已異少年春暉多華雲洪蔭庇及壯厥逢年膏
火煎人事猶喜逮親存介眉舉春解及今痛鮮民有羹更誰
遺南山橋旣頽北山萱又頽難駐衰親顏自頽老亦至蒲柳
無百年半百驚若寄四十九年非跬步盈罪戾寒霜感素絲

佳節益悲涕友朋喧沽春湖山對守歲臥瀾好樓臺徙倚傷
獨寐

和作

休甯朱俊彥甫

華髮不可簪前塵已如夢
恩恩歲又除
跳丸惜倥偬世慮
苦牽纏天游自空洞
我卜近郊居跡與孤雲共穿池
一水
紆壘石羣峰貢茗茗玉塔尖遠翥
南山鳳檻外俯全湖寒
流晴破凍索笑向梅檐
幾株手新種開徑延素心相期酒
一中洗眼雲水清
翦蔬春盤供頻年
餞歲筵清詩續可誦
投我多瓊瑤秀語更奇
縱還思樓外樓當年飛
畫棟溪山
獻幽奧裙屐恣吟弄
亮無爽鳩樂何必雍
寒痛歲華來無
窮今古遞寶送願各愛
景光申以黃耇頌

彝壽軒詩鈔卷三

錢塘 張應昌 仲甫

己亥

正月六日雪霽至湖上

昨日江湖失對面，一氣包藏白雲幻。今日羣山逢故人，一昔
拋離白頭換。催呼急泛山陰棹，瓊田萬頃波無折。忽駭硤厓
轉石聲，船底槎枒冰骨裂。破浪中央渤澥開，參差樓堞明蓬
萊。四山層層顯於畫，輪廓凹凸紛成堆。遠峯深處淡容冶，畫
手亦縮神徘徊。須臾濃陰閃斜照，光怪湧現金銀臺。人跡不
來鳥飛絕，對此塵襟盡滌滌。偶逢三老勸春醪，周勿堂翁招訪王楊兩翁
同飲鏡山樓。獨訪孤山踏冰屐，縹緲神山風引轉。二客招邀入瓊
苑，歸遇彭浦小院登樓前樓前梅初開樓前來路又雲凝。樓下春痕仙夢遠。

吳興重建飛英塢戊戌歲落成己亥正月雨中登塢
百級高標鎮具區起衰興廢勝前模豈惟題雁靈千佛直欲
呼龍跨五湖三面雲峯環戶檻萬家春樹入煙蕪雨中已快
登臨意何日重尋好畫圖

吳興歸舟

年來真作釣魚翁來往菰城風雨中蓑笠煙波儂自慣冷吟
閒醉閉孤篷

村路禽言滑滑泥欲行不得怕扶藜閒看溪父培桑本潑潑
光澗照曉隄

絕好田居靜不喧雙林臨水粉牆垣課耕把讀餘無事繫我
溪鄉鷗鷺魂

雨未停聲雪又催漁莊茅舍畫圖開縱然孤負梅花驛也自

山陰道上來

雙林晤姚師竹茂才瑋感懷鏡塘夫子

憶坐春風裏駒光十九年墓廬生宿草門巷認平川喜擢龍

孫幹悲吟鹿洞篇

師竹以夫子遺著竹素齋集見示

自嗟身亦老散木負雕

鐫

正月二十八日大雪自塘棲歸

打篷客枕醒推窗霰珠闕溪橋樹屋間摩詰圖畫供蒼林澹

煙橫遠岫片玉凍艇子白鷗來萋翁老鷺控偶泊山陰船言

訪東牆宋敲扉無人應閉戶眠冷淞塘棲訪宋秋田不遇更憶超山梅

萬株千歲洞香霏太古雪清結羅浮夢我來逢花時咫尺雲

霧擁遙憐好花零寂無游客共豈惟容無聊還念民疾痛方

春陽氣鬱凝陰閉昏霧勾萌過桐生田疇礙菑種杞人憂何

爲一帆風且送沽春向第屋酣醉倒玉甕笑指黃鶴峯百丈
銀山幪待跨西湖躡蒼茫詩自誦

雲棲竹徑

幽塢棲霞自古封迴龍亭畔綠重重遮山古樹堆巖翠繞徑
疎陰淡日容萬竹參天雲破碎百泉鳴澗雨琤琮廣長清淨
溪山意鳥語頻迴和梵鐘

自雲棲登五雲山

竹中煙磴躋忽在萬竹上謾謾松濤飛螺旋出屏幃幽塢數
高峯卑若几桷狀其外山連天萬重恣奔放卻顧三折江窄
窄溪水漾幾葉吹長艣平沙互新漲崇岡已遠覽絕頂更悵
望拂面天風涼驚胸雲海盪滄波浩無邊江湖屹相向俯視
開化塔渺爾如針線步入古剎巔種竹密圍帳累檐炫紺碧

無牖眺遐曠不見江山美但聞報賽王締構古今殊拙哉俗
僧相一笑別僧去放眼抉蔽障徘徊下翠微歸逕起樵唱一
竹嶺拏雲圖爲周澹巖題

人身不置雲霄上不如飛鳥意快曠安期羨門非難逢豈必
仙鄉說蓬閣嗟我籬鷄與榆鳩所往似有紅霧障遙眺神山
輒引回南睽霞嶺北岱嶂羨君身作雲中君顧視甌閩氣象
宕足下煙濤萬仞飛胸前滌滓千重盪伸指拏雲雲在手也
學坡翁任撻放自是君身有仙骨綠雲仙人笑相向披圖落
想凌滄洲何況當年雲海望

當湖

鴛湖萍跡老今始到珠湖春水滿城繞桑陰萬綠鋪故家認
門巷小妹喜招呼三宿聯情話閒懷繫荻蘆

時寓居適
錢氏妹處

乍川觀山眺海觀山俗名煙光山有高閣懸燈照海船

海陬山幾點勒住秀川平高盞一燈焰遠招萬里程我來
船市擾擾競雖爭小憩催歸急風雷吼巨鯨

五十生朝感賦

半百傷垂老餘生痛鮮民斧薪慙負荷衣線慟劬辛憂疾身
教隱遺經志樂貧哀哀烏鳥意事守豕前人

一第徒年少終身作鈍翁不材甘木朽善病耐途窮望嶽游
蹤負看雲眼界空平生心疚處一辦爲南豐

蹉跎三十載恨不讀書多駒影逝如此螢光今奈何窮經無
獨見時輯春秋一編將成覓句愧高歌如得數年假可能鑽蠹窠

有子無官樂庸庸竟兩兼向平容易了原憲不須嫌野服輕
軒騎餘年付酒帘寄翁隨所寄更號寄庵卽以名吾齋也老矣

此葭蒹

遺訓遵公著心傳手澤存好生勤白業超世證元門徑路瞻

先導童蒙愧鈍根虛生真可懼斜日近黃昏府君以先

及自著語錄淨土詩裝冊題曰手澤心傳貽存之

自跋引宋呂公著世修淨業爲劬欲子孫似呂氏也

十月一日西溪道中

短蘆搖雪小溪靜斜日閃金田水明禪指深秋場欲滌野勝

清淨暮雲平

十月十五夜長豐山館

深夜小窗明披衣起看月開戶一庭水樓臺大地白登臺如
步虛天光雲影活寂無樹間聲時聞魚潑潑際曉更憑樓屋

梁照顏色

十月十七日同彥甫松如出三竺登棋盤山至龍井雲

霧瀾漫下界不見奇景也

丹林緗青山小春游興湧雲陰忽晨變勝情難遏壅峯路探
鷓鴣雨花飛蠓蝶飲綠翠亭下漱石冷泉孔冥穿玉乳巖幽
尋野茅壠照眼青葉明遮山白雲滄踏葉登雲中寒絮滿身
擁六橋與三竺茫茫入瀕洞疑到蓬萊東腳下海波洶幻藏
仙人杵寂滅樵夫睡聞香茶作花覓路鳥出籠小庵如燕投
老僧儼鼠拱玉茗黃金芽碧液丹井永一吸清風生再啜吟
肩聳下山浩百級豁然山翠重霜木露璘璫雲根排巖崿停
車古龍湫潭空老虬動卻顧所來徑仙鄉隔鬱蒼茲游如夢
寐銀海搖購購天開圖畫出錦繡更百種相約重登臨猶能

買餘勇

十一月八日江干至雲栖暮歸憩開化寺

雨過冬山睡意醒
鏡波靜照越峰明
沿塘巨艦來
芬芬喜聽
江村樂歲聲

禿如雷火碎蜂窠
斧劈沙淘畫意多
便欲移家倚江阜
山爲
舞古日摩挲

綠雲徑裏紅黃葉
董巨渾難寫此容
各種霜花萬竿竹
山中
春滿不知冬

楓柏櫺櫓抱翠微
月輪峰下葉紛飛
縱然風雨登高巖
獨立
蒼茫緩緩歸

題魏英姑截指圖 并序

英姑魏倉伯孝廉女
字同里李升元李旋歿倉伯不
使女聞而求媼者輒至道光壬辰五月女暗截食指
寸許母見血痕殷袖驚問之曰兒將長齋故斷指自

誓耳母稔其情保護備至八月女忽疾誦佛而逝倉
伯命納斷指於袖以斂并告於李李迎柩與升元台
寔倉伯繪圖徵詠

搖瑟萎地僵碧血漬霜鏗不停全歸義難求續命方呼天終
指日入土不羶香棹楔青山下森森枯柏蒼

銷寒四詠

生白酒

芳秣新筍一甕春未經湛熾味彌真小槽不讓紅珠豔滿盃
初翻白雪勻村口早梅香沁頰街頭窮漢舞凌晨鵝兒色相
應非相米汁心參清淨因

凍豆腐

發搓酥滴粉如忽然冰雪鍊肌膚茅簷一夜霜華重藕孔

千層玉片麤水面芙蓉偏皴瘦芙蓉豆腐名雪霞美盤中苜蓿特清羶
消寒自有調羹手玉版晶鹽香積厨

大芋魁

不共高荷峙水村霜腴雪圃也鴟蹲披蓑似學山人搽脫穎
羞同博士論鞞士入眼餓饒忙洗伐擁爐煨熟慣溫存糝羹
糝飯聯佳話敬薦坡仙酒一樽

醃冬菜

村路城闔壓擔挑家家旨蓄禦冬饒冷齋咀味千回永鹽市
操贏一旦驕下石瑩翻盈甕雪齧根清比貯詩瓢黨家羔酒
徒求益那識鹹菹使意消

小除日朱彥甫招同董初臺斯朱蕉石大鑄梁春塍田

徐問渠林莊芝階仲方章次白櫛王雅臺熊吉夏松如

之盛
錢秋峴延薰王安伯泰陸子乘荆藻高小垞學沈

方雲泉臨葉小湖詒汪又村適孫許敬齋乃裕饒歲臥

瀾樓和次白韻

半百年華去心情更不同醉吟翰老輩寒瘦怯東風雪照峰

頭白春生酒頰紅歲千人十八羨殺兩耆翁十八人其九百

四蒸石七
十三居首

庚子

庚子新春疊前韻

新年逢晚歲喜躍與孩同排日尋詩酒無心問雨風小窗駒

繫白良夜蠟傳紅特健常如願憑人喚浪翁

湯和三日麗歡樂萬家同便勸梅邊酒休催柳上風湖波痕

漾書燈市影搖紅嚇嚇豚蹄祝喧呼足穀翁

湖壩過亡友周勿堂同年龍章宅憶去年正月踏雪同
醉王氏鏡山樓愴然感賦

去年正月踏雪西湖邊三老招手同醉湖樓前今年正月踏
雨去年路吾友劉綱夫婦都化異物去西湖千年畫圖在人
生朝暮顏色改一朝風燭萬古塵樓前別換沽春人老者曾
然逝壯者老旋至後之視今猶視昔前人後人相去幾歲月
奚須形勞勞何用心切切秉燭猶恐遲遊敖况乃閉門枯坐
甘受山靈嘲

題伊少沂明府念曾周號叔鐘拓本冊兼呈芸臺相國

家叔未丈

號叔王季穆邢侯周公盾邢封都河北號地介虞鄭維藩聯
懿親式好篤同姓庸勳而親親尊賢而暱近拜前與拜後並

受大寶命錫蕃圭瓚釐陪敦土田分選建作屏翰翼戴矢淑
慎各銘祖考德各紀功業盛華鄂傳詩歌桑梓表恭敬黍稷
薦馨香蘋蘩昭忠信精金更鑪錘球鏞丕聲振想當簾業設
在廟奔走駿配壺甌尊雜笙鼓鼗磬皇皇鳴肅雝先王先
公聽河北虞鄭間銅洛東西應宗周既浚夷諸姬肆吞併衛
燬俄滅宗下陽又入晉勃焉忽焉歎然憫感交并社稷不血
食彝器皆餘燼淪銷三千年思古發幽興忽顯沈霾中偶然
得之僅土花爭陸離籀篆各迥峻神物有呵護羣美東南郡
儀徵老平章積古珠照乘東序此大鏞巍乎冠琛費同時三
號叔邢尹蛾眉映閩浙大海邦分握瑜與瑾吾宗橋李翁摩
挲翠篁徑時得羊求從孜孜說考證甯化遠天南母乃勞執
訊天特作之合吹來彭澤令撫本搨示我題詠懷前儒三本

結葭蒼君能慰我情歲寄書百行愛我弟畜之肝膽相輸將
恨我病休文伏處如寒蠶帶水三百里每阻浮輕航今夕果
何夕打漿升華堂君未出門去握手月照梁喜極不能默句
寫中心藏論交金石喻如君不能忘

三月既望游姑蘇西山三日得詩八首

勝游天所靳滂沲三日阻既雨晴更佳姑靳乃深與好景三

春月好友兩客侶

吳門遇邢上盧翁葵生同游

相逢掉扁舟風日麗平楚

菜花黃無邊麥浪綠如許照眼青山來橫塘鼓柔艣十日別

錢塘見山得舊雨傲我槎尋僊任被風嘯虎

胥江放舟

乍見靈巖瑤已至漚瀆村臨水好四舍打漿便到門錢氏哲

昆弟二難兩名園蕭疎與絢爛各

曰成奇觀潛園如古畫菊

籬菜花樊端園如時粧綺榭白石

欄匠心闢九曲人巧成千

般如仙山樓閣並眩銀海瀾尤愛端溪翁看山三面環吳宮
峙其後衆峰羅其前山前至樓下麥田如綠天屑軒眺千畝
稻屋輪此寬端閣在靈巖之下有環山草堂眺農樓樓外綠野平闊沿園種稻處曰稻香老屋憑樓
不忍去夕陽俄在山出門但平野蓬萊隔雲端木瀆游錢氏

二圖

暮至穹窿下夜色羃松徑秉燭躋岑崑扣扉道人應山房倚

笠峰小築喜清淨春枕林間濤琅琅滿幽聽際曉照旭日俯

見千疊磴茅頂盤羊腸欲攀難濟勝有三茅峯僅至下茅其上中茅上茅徑仄不能上

茅頂如笠一名箬帽峯一五湖三面繞兩山千里互東西靈巖與楞伽几

案近可凭言尋赤松蹟崇臺心怏怏志載山頂方廣百畝有赤松子煉丹臺并仙臺

但見傳法孫駢闐奏笙磬殿閣穿低昂齋房裏幽靚良朋心

洒然煙雲寫奇興蔡生爲沈聽江鍊師作畫讀書兼看山渾忘晚風勁穹

隆山宿如意山房

中宵大風息山窗月色滿
凌晨登茅峰坐看日輪輾
青霞六東方湖水特清顯
半規吐銅鉦一瞬張火織
大海摩盪之三躍更三澣
金鴉猛騰翥青魄亂搖轉
蒼龍搏赤珠閃閃流彩
泣須臾懸清光皦如拭
銀盃遙指湖心船三五了
了辨人影忽在地巖翠
纒滿眼攜筇歸山齋道人
猶息偃認客歡相逐
惟有守籬犬曉起登茅峯
觀日出

一櫺至靈巖輦道履平砥
虬松舞山蹊龜石拜湖渌
厚豁古洞披碑碣醉僧跂
蕭寺敲疎鐘故宮吹香芷
琴臺荒石刻屨廊寂玉趾
美人自千古殿閣空鹿豕
悠悠箭涇川渺渺五湖水
感歎重流連青山翠如此
靈巖山

太湖三萬頃歎欲湧怪石
巖阨十里排謫詭千狀闕
天平尤

不平巨靈手亂擘有如鏡如屏有如斧如戟如卓筆累棊如
蹲獸飛翮忽立仙人影忽僊老僧倚似野航橫空似茶竈倚
壁一寸土不黏萬枝笏並植餘年仗腰腳獨往謝儕客敞屋
穿洞寬側身上梯窄犖屨礙脛給鈇忽禿魄猴升白雲頂
明湖照峰隙下聽飛泉流天風生兩腋錢塘誇鳳舞萬朶蓮
花碧靈奇應讓此造化焉可測下山更四顧不能窮妙特
平山

步下雲泉舍肅瞻范公塋高山仰先覺白日懸大名天下爲
已任田莊與族并

天題著高義世守垂古型旂常紀功烈俎豆維德馨希聖饗
百世豈在山川靈青鳥妄傳會侈談萬笏形子孫上塚來麥
飯澆清明袞屐踏芳陌柑酒酣春情墓前楓樹林瑟瑟搖新

青路接寒山寺霜天更迴清丹林錯翠石爛漫圍畫屏相約
搖秋艇半夜寒鐘聽

范文正公墓

平疇交綠陰深徑藏幽築編籬茅爲門入門花滿屋鼠姑嬌
晚春豔紫輕紅簇齋舍生歡喜池閣備涼燠挂壁皆妙墨詩
畫難盡讀更拓層樓扉四山嵐翠撲笏峰與獅峰排闥秀雲
矗詩僧昔閉關澄谷禪師拈花證金粟後裔宏善果敲魚散香粥
我亦澹蕩者塵鞅苦羈束欣逢同里人寺僧默清杭人深企清淨福
何時乞米汁聽法空山宿吾與庵

獅子林

重訪獅林蹟流年四十過縹雲堆白石冷日照青莎寬徑穿
珠蟻橫峰臥路駝寂寥池上憩感慨係巖阿

邵丹畦姊丈

甲名

開齋吳會春暮買權相訪憶嘉慶乙

丑丙寅余兄弟等待 先大夫 先太夫人在此署其
時君自北來就婚納幣於此署中忽忽三十六年矣今
痛無怙恃而伯兄伯姊又早亡感慨係之因疊丙子至
蘇節署舊句之韻奉呈一律

卅六年華感露霜相逢話舊燭窗涼宦婚再至成佳話冰玉
雙清在此堂愧我容容薪弗荷仰君贊贊裘能襄鴻休駿烈
真堪喜獨愴爲行與雁行

垂虹亭

濃陰深綠柳絲搖巨舫輕篷繞畫橋欲訪鴟夷高士跡垂虹
亭下雨瀟瀟

無量寺瞻禮呂慶六畫十八羅漢

妙墨莊嚴寫應真威儀四種力千鈞試彈指現諸天相於點

晴傳阿堵神伏虎降龍堪駭俗低眉努目總能仁弄藏賴有
賢僧侶絕勝新年字帖春

寺中每歲首
懸畫三日

金陀園

重過名園又十年相逢富貴豔陽天小山流水真印壑喬木
修篁舊雨煙樓閣倚城春曠衍圖書圍壁手雕鐫雖無遠秀
窗中岫自覺憑欄思渺然

煙雨樓

春去濃陰重樓空淡日斜一繩碧菱界五丈白藤花依舊魚
知樂

壁有石刻魚
樂國三字

難逢酒特賒荒煙芳樹外別意結幽遐

杭州顯真道院觀于忠肅公玉帶歌

相傳公讀書道
院與院僧友善

西湖岳于兩少保雙忠作鎮雙高峰墨敕畫像武勝印鄂王
手澤駢鐘鏞忠肅錢塘是鄉里墓祠乃無遺器供道院寶帶

補其闕照耀湖西藏城東此帶服御小物耳對之頑懦披丹
胸想見宣德明良會輕裘緩帶鷹鳴誰朝廷三楊共洪纖晉
豫千里揚仁風俄逢正統坐木禍端委束帶鶴立恭南渡前
車重根本北門筦鑰銷烟烽景泰嗣位定大計奠安國家如
泰嵩金帛不許和不可請帶弗與真威雄如何僉壬任誣構
奪門挾纛持南宮吾帶欲更爭擁翅營蠅苟狗毒蠱蜂不殺
無名序箚意徇私昏闇嗟英宗繫帶三褫付談笑一腔血灑
襟袍紅須臾徐石竟何在守秋廟食題旌功豈獨奔走拜松
栴珍此一帶伴橫踪帶存三朝歷治亂滾職無闕完初終骨
與袍鎧弓劍伍賜予封識銘恩隆取義成仁圭璧潔懷人雷
物縞紵通古院當年讀書處有僧早識端黼容英魂毅魄此
懋式玉梁金鏤光熊能摩挲遺帶重感湖公與武穆異實同

並排和議敵仇愾並嚴軍律善戰攻報國一心盡劬瘁安邊
三策麾寇戎嶽成意欲莫須有二字三字同寃蒙功烈志節
一無異異在事勢殊遭逢若使宋高察檜惡亦返二聖飲黃
龍若使景帝聽理策安保一統完居庸大臣易地皆然耳河
山帶礪昭雙忠雙忠作鎮雙高峰乃覺金山畱帶徒禪鋒與佛印談禪畱玉帶鎮金山寺事載遼齋閑話我瞻此帶拜祝融神人以火患常蒙神佑奉祀甚虔
袞衣恍覩清明躬我捧此玉尊球弓瑜色如見精白袞獨舉
赤手擎蒼宮爲國砥柱爲崇墉對之頽懦披丹胸安得垂紳
正笏如于公吁嗟乎安得垂紳正笏如于公

輓朱彥甫

三十年前早識君畱耕書屋聽論文

余外家韓氏昆仲與君幼同几視余十餘歲識

君於畱耕草堂

交深晚歲真如水盟共閒鷗不羨雲游侶登臨忘竟

日詩壇睥睨傲千軍
斷斷談辨驚筵慣
忽杳人琴寂不聞

荀池文采陶家業
美境偏成缺陷天
慟哭西河真老矣
徜徉

南郭總悽然餘年雲水生
涯寄一卷莊騷世慮捐
華屋山邱

喬梓樹竟依清影到重泉

哲嗣性伯早世

大好新安水石間
西冷且當故園看
臥瀾雲外閱同倚
補屋

荷邊竟不完百度吟樽頻
剪蠟一盃仙露遠飛鸞
神山樓閣

逍遙願清福三年也大難

君築別墅於湖上曰長豐山館長豐山君故里也樓外增樓曰臥瀾

將更築荷屋三間而遽歿其亡也以晨飲池荷涼露得疾有自輒句云逍遙雲水欠三年

魂兮來往死生齊
獨有朋儕意愴悽
水北空樓先鶴去
山南

落月又烏啼訂存詩卷煩同社
扶養孫枝仗令妻
夢覺湄庵

休歎逝睡翁終古睡湖西

亡友汪小米湖上別業曰水北樓湄庵君坐臥處睡庵君別號也

伊少沂屬題尊公墨卿先生西溪銷夏圖卷

賤子西溪一釣徒，瞻依先壘守楸梧。誅莠未就三間屋，先寫

田居招隱圖。

余有西溪田居圖。

蘆花看過又梅花，鷗艇經年幾度划。幽賞四時無限好，不徒

清夏翠陰賒。

參寥坡老舊因緣，前輩風流今闕然。蘿徑蘆林誰共語，披圖

一讀一纏綿。

公與小石上人同游卷中唱和詩多。

怡喜斜川飛鳥逢，好湖山又印前蹤。倘尋鴻爪披蘆雪，共入

蒼煙千萬重。

澹巖藏舊菱，一枚似立人形。面目畧具衣摺，四垂名

之曰菱人，以座承之。箕子文几同人競詠，余亦戲題。

凡常草木無不朽，此殼獨以奇形壽。奇而朽者亦恒沙，此殼偶爲飄茵花。菱之始願不及此，指之爲人心造耳。雖然人豈

菱之倚草蕊那能百歲雷

題魏滋伯春山堂入詠冊

紫藤石館

石如詩骨峻嶒藤似文心綠曲壽相千歲長留瘦影一庭不
獨

春草虛

陌上風薰陣陣窗前綠滿年年獨有幽人卻掃手把瑯嬛一
編

延緣軒

開門見西湖山拱闔送北山綠不須策蹇扶筇蒼蒼翠滿
目

半廊

明月一方恰可短廊十步徘徊小欄倩花影上涼夜佇瞻光
來

西山讀書樓

坐擁窗中列岫臥遊畫裏高人終日煙雲供養一家蓬島仙
真

書三昧齋

不假南面百城自享西齋三昧篇什含咀英華義理悅充腸
胃

真如舫

無事乘風擊楫便作泛宅浮家一船書滿畫滿兩面雲耶水
耶

浴鷗亭

一鷗寄此逢萍尺波潔我毛羽湖水直到門前元是西湖舊
侶

浣芸妹寄貽酒器一具器分三層內層焚槽中第二
層貯水外第三層製錫爲盤腸上下各有孔火熱水沸
以冷酒自上孔澆之走腸中自下孔出酒熱已炙手矣
寒夜催飲極便其水又可淪茗俗名盤腸壺余戲易之
曰酒龍系之以詩

寒宵思飲咄嗟成挹注香雲暖霧生頃刻炎涼腸譎幻陰陽
變化手權衡水中濟火還通徑酒後呼茶亦解醒噓氣如龍
真不測醉鄉端合錫嘉名

題兩峰山人孤山梅鶴圖

宋林處士種梅孤山並蓄一
鶴常泛小艇湖中客至則童

子應門延坐開籠放鶴必掉船而歸蓋以鶴飛爲度此
圖寫童子倚梅石間垂頭而睡鶴立石畔意閑筆虛

高秀想見當日主人出遊未歸寂無客至石瘦梅疏真
覺山靜似太古也圖未署款有小印二一花之二字一
羅聘私印四字山人嘗自號花之寺僧也余得此
真片子于邗上裝藏之同人題詠盈幅余譜此操

梅閒閒兮空谷鶴閒閒兮橫塘童子閒閒兮垂頭而睡主人

閒閒兮何處徜徉

其一

石峻嶒兮太古水清淺兮始春寂無

客至兮不燒茶竈惟有雲生兮來繞柴門

其二

先生歸兮日

將暮童子夢回兮鶴迎前路月明林下兮美人來笛起梅邊

兮暗香度

其三

同人題詠錄三人

魏謙升

水邊籬落寒香凍山僮已入羅浮夢守梅飢鶴啄蒼苔鳴

皋處士所著
鶴之名

如聽圓吭弄石丈相偃莠綠華門無客至罷

煎茶畫禪合證花之寺寫出孤山處士家

方鴈

隱君標格出煙霞何處尋詩興獨賒贏得山僮無個事閉
門調鶴守梅花

有時鶴醒僮偏倦清境羅浮夢許通如此天寒無客到一
庭深雪鎖閑籠

花之僧筆最風流騎鶴揚州憶舊遊也有白蓮成眷屬神

仙一樣幾生修

兩峯室人
字白蓮

曹憲馨 曹村

雪痕淺嫩雲漪梅林罷炙斜暉童子嘗鴈欲睡知道先生
未歸

胎仙寂守空山孰語堯年古寒試問遯夫筆底蘄如蓮老
林間